

Europami Peqatigiiffiup aamma Danmarkip Kalaallit Nunaatalu aalisarnikkut suleqatigiinnissamik isumaqatigiissutaat 28. juni 2007-imeersaq pillugu kiisalu illuatungaani Danmarkip Kalaallit Nunaatalu aappiuttutullu Europami Aningaasarsiornermut Peqatigiiffiup akornanni aalisarneq pillugu isumaqatigiissummut 13. marts 1984-imeersumut protokolip pingajuat 19. december 1994-imeersaq aamma protokolip sisamaat 25. juli 2001-imeersaq aamma protokolip sisamaannut allannguutitut protokoli 18. juni 2003-meersaq pillugit nalunaarut.

Nunanut allanut ministereqarfiup nalunaarutaanut nr. 59-imut, 15. marts 1985-imeersumut aamma nr. 107-imut, 1. november 1990-meersumut, Lovtidende C, illuatungaani Danmarkip Kalaallit Nunaatalu aappiuttutullu Europami Aningaasarsiornermut Peqatigiiffiup akornanni aalisarneq pillugu isumaqatigiissummut 13. marts 1984-imeersumut kiisalu taassuma protokolitaanut siullermut aappaanullu tunngasumut, tapertaliullugu nalunaarutigineqarpoq, illuatungaani Europami Peqatigiiffiup aappiuttutullu danskit naalakkersuisuisa Kalaallit Nunaannilu Naalakkersuisut aalisarnikkut suleqatigiinnissaq pillugu isumaqatigiissutaat 2. juli 2007-imi atortuulertoq. Isumaqatigiissut Den Europæiske Unions Tidende nr. L 172-imi, 30. juni 2007-meersumi, qupp. 4ff-imi tamanut saqqummiunneqarpoq.

Piffissamut, nalunaarutip nr. 107-ip, 1. november 1990-imeersup, Lovtidende C aamma aalisarnikkut suleqatigiinnissamik isumaqatigiissutip 28. juni 2007-imeersup akornanniittumut, una innersuussutigineqarpoq:

Illuatungaani Europami Aningaasarsiornermut Peqatigiiffiup aappiuttutullu danskit naalakkersuisuisa Kalaallit Nunaannilu Naalakkersuisut akornanni aalisarneq pillugu isumaqatigiissummi aalajangerneqartutut aalisarnermut piumasaqaatit aalajangersaavigineqarnissaat pillugu protokolip pingajuat 19. december 1994-imeersaq atortuulerpoq ulloq 19. december 1994. Protokoli De Europæiske Fælleskabers Tidende nr. L 351-imi, 31. december 1994-imeersumi, qupp. 2ff-imi tamanut saqqummiunneqarpoq.

Aalisarnermut piumasaqaatit, illuatungaani Europami Aningaasarsiornermut Peqatigiiffiup aappiuttutullu danskit naalakkersuisuisa Kalaallit Nunaannilu Naalakkersuisut aalisarneq pillugu isumaqatigiissutaanni aalajangerneqartut, pillugit protokolip sisamaat 25. juni 2001-imeersaq atortuulerpoq ulloq 25. juni 2001. Protokoli Den Europæiske Unions Tidende L nr. 209-mi, 2. august 2001-imeersumi, qupp. 2ff-imi tamanut saqqummiunneqarpoq

Aalisarnermut piumasaqaatit, illuatungaani Europami Aningaasarsiornermut Peqatigiiffiup aappiuttutullu danskit naalakkersuisuisa Kalaallit Nunaannilu Naalakkersuisut aalisarneq pillugu isumaqatigiissutaanni aalajangerneqartut, pillugit protokolip sisamaanik allannguinnissaq pillugu protokoli 18. juni 2003-meersaq atortuulerpoq ulloq 1. januar 2004. Protokoli Den Europæiske Unions Tidende L nr. 237-mi, 8. juli 2004-meersumi, qupp. 3ff-imi tamanut saqqummiunneqarpoq.

Aalisarnikkut suleqatigiinnissamik isumatigiissutip 28. juni 2007-imeersup aalisarneq pillugu isumaqatigiissut 13. marts 1984-imeersaq protokolillu tassunga atasut tamaasa taarserpai.

Den Europæiske Unions Tidende uani nittartakkami takuneqarsinnaavoq:

<http://eur-lex.europa.eu/da/index.htm>

*Udenrigsministeriet, ulloq 30. september 2008*

PER STIG MØLLER